

**MALAYSIA**  
**DEWAN RAKYAT**  
**ATURAN URUSAN MESYUARAT**

**NASKHAH SAHIH/BAHASA MALAYSIA**

<http://www.parlimen.gov.my>

**HARI SELASA, 31 MAC 2015, PUKUL 10.00 PAGI**

**Bil. 14**

---

**PERTANYAAN-PERTANYAAN BAGI JAWAB LISAN**

1. PR-1331-L66769  
**Tuan Che Mohamad Zulkifly bin Jusoh [ Setiu ]** minta **MENTERI SUMBER ASLI DAN ALAM SEKITAR** menyatakan status Projek Rancangan Tebatan Banjir Sungai Setiu yang dijangka akan dimulakan pada suku tahun kedua pada tahun 2015 dan disiapkan pada penghujung tahun 2018.
2. PR-1331-L65482  
**Dato' Kamarul Baharin bin Abbas [ Telok Kemang ]** minta **MENTERI KEWANGAN** menyatakan jumlah pengaliran wang ke luar negara oleh warga asing melalui bank-bank atau institusi kewangan bertauliah dan melalui pengurup wang berlesen.
3. PR-1331-L65381  
**Dato' Wira Othman bin Abdul [ Pendang ]** minta **PERDANA MENTERI** menyatakan:-
  - (a) apakah Kerajaan sedar bahawa Malaysia mempunyai petunjuk ketidakadilan pembahagian kekayaan negara yang buruk di Asia iaitu Gini Coefficient sekadar 0.430; dan
  - (b) berapa peratus kaum Bumiputera yang menduduki peratusan yang terkebawah.
4. PR-1331-L67395  
**Tuan Liew Chin Tong [ Kluang ]** minta **PERDANA MENTERI** menyatakan:-
  - (a) statistik serangan lanun di perairan Malaysia dari tahun 2006 hingga 2014 termasuk bilangan kes dilaporkan, lokasi perairan negeri, bilangan kes yang didakwa, anggaran kerugian harta benda, dan kecederaan ataupun kehilangan nyawa (jika ada); dan

- (b) apakah pertimbangan Kerajaan dalam mengambil keputusan tidak menandatangani perjanjian Regional Cooperation Agreement on Combating Piracy and Armed Robbery against Ships in Asia (ReCAAP).
5. PR-1331-L65715  
**Datuk Dr. Makin @ Marcus Mojigoh [ Putatan ]** minta **MENTERI DALAM NEGERI** menyatakan:-
- (a) keberkesanan tindakan yang diambil oleh pihak Kerajaan dalam menangani ancaman kumpulan militan seperti ISIS di negara ini; dan
- (b) tindakan bagi program pencegahan yang dirangka oleh pihak Kerajaan bagi maksud di atas.
6. PR-1331-L67223  
**Dato' Dr. Mujahid Yusof Rawa [ Parit Buntar ]** minta **MENTERI PERTANIAN DAN INDUSTRI ASAS TANI** menyatakan dasar merencanakan industri akuakultur dan halangan yang dihadapi.
7. PR-1331-L65636  
**Dato' Haji Zainudin bin Ismail [ Jelebu ]** minta **MENTERI SAINS, TEKNOLOGI DAN INOVASI** menyatakan:-
- (a) apakah dasar pembelian semula bagi menggalakkan peserta industri tempatan menghasilkan produk yang inovatif dan bagaimanakah RM50 juta yang diperuntukkan oleh Kementerian akan diagihkan kepada para peserta industri; dan
- (b) sekiranya produk inovatif yang dibeli semula mengalami kegagalan, adakah peserta industri terpaksa membayar kerugian terbabit atau pihak Kerajaan yang akan menanggung kerugian terbabit.
8. PR-1331-L66619  
**Tuan Ramkarpal Singh a/l Karpal Singh [ Bukit Gelugor ]** minta **MENTERI DALAM NEGERI** menyatakan jumlah kes-kes seksual terhadap kanak-kanak setakat 28 Februari 2015.
9. PR-1331-L66881  
**Datuk Jumat bin Idris [ Sepanggar ]** minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan:-
- (a) apakah Kementerian berhasrat mengkaji semula program "Community *Drumming*" yang sedang dikuatkuasakan pada hari ini kerana tidak menepati sasaran dan membuka ruang penyeludupan keluar diesel berbanding memberi manfaat kepada rakyat; dan
- (b) berapakah jumlah peruntukan pada tahun 2014 untuk program ini di Sabah dan bilangan syarikat yang terlibat di setiap daerah atau zon di Sabah.

10. PR-1331-L65462  
**Dr. Azman bin Ismail [ Kuala Kedah ]** minta **MENTERI KESIHATAN** menyatakan tentang sistem pengasingan fungsi klinik dan farmasi (*dispensing separation*) di klinik-klinik swasta. Apakah pendirian Kementerian pada waktu ini.
11. PR-1331-L66548  
**Puan Rubiah binti Haji Wang [ Kota Samarahan ]** minta **MENTERI KESIHATAN** menyatakan status pelaksanaan pembinaan Hospital Daerah di Kota Samarahan dan Asajaya bagi menampung pertambahan penduduk dan jarak perjalanan ke Kuching.
12. PR-1331-L65858  
**Dato' Mansor bin Othman [ Nibong Tebal ]** minta **PERDANA MENTERI** menyatakan sama ada Kerajaan akan mempertimbangkan saranan supaya penggubalan deraf persempadanan semula kawasan-kawasan pilihan raya dimulakan di Dewan Rakyat dan hanya dibawa kepada SPR setelah mendapat kelulusan Dewan.
13. PR-1331-L67470  
**Dato Sri Dr. Muhammad Leo Michael Toyad Abdullah [ Mukah ]** minta **MENTERI PENDIDIKAN** menyatakan berapa peratus graduan dari Institut Pengajian Tinggi Awam dan berapa peratus graduan dari Institut Swasta di Malaysia dalam tahun 2013 dan 2014.
14. PR-1331-L66709  
**Puan Hajah Fuziah binti Salleh [ Kuantan ]** minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan bagaimanakah cara yang digunakan oleh pihak Kementerian untuk membanteras aktiviti gores dan menang yang berleluasa kini.
15. PR-1331-L67402  
**Datuk Haji Shabudin bin Yahaya [ Tasek Gelugor ]** minta **MENTERI PENDIDIKAN** menyatakan kedudukan terkini AUCMS yang merupakan sebuah universiti kolej swasta di Kepala Batas, Pulau Pinang dan apakah langkah-langkah yang diambil terutamanya pelan menyelamatkan pelajar dan tenaga pengajar serta kakitangan kolej tersebut.
16. PR-1331-L65520  
**Dato' Fauzi bin Abdul Rahman [ Indera Mahkota ]** minta **MENTERI SAINS, TEKNOLOGI DAN INOVASI** menyatakan adakah Kementerian sedar bahawa Kilang Lynas di Gebeng, Kuantan mengeluarkan khusus '*thorium*' sebagai hampasan dan juga gas radon yang mana kedua-duanya mendatangkan bahaya kepada masyarakat. Apakah Kementerian memandang ringan risiko ini seperti perihal kilang '*rare-earths*' di Bukit Merah, Perak pada satu ketika dahulu yang akhirnya ditutup disebabkan kesan negatif terhadap masyarakat.
17. PR-1331-L66672  
**Tuan Haji Hasbi bin Haji Habibollah [ Limbang ]** minta **MENTERI KESIHATAN** menyatakan :-
  - (a) bilakah Kementerian akan mengganti Pakar Pediatrik expatriate yang telah berhenti di Hospital Limbang; dan

- (b) mengapakah Kementerian mengambil masa yang terlalu lama untuk meluluskan Pakar Gynaekologi untuk Hospital Limbang yang telah dipohon sejak Jun 2014 sehinggakan semua pesakit-pesakit yang memerlukan rawatan dan pemeriksaan Pakar Gynaekologi terpaksa dihantar ke Hospital Miri.
18. PR-1331-L66564  
**Dr. Ong Kian Ming [ Serdang ]** minta **MENTERI KEWANGAN** menyatakan jumlah hutang Pembinaan PFI Sdn. Bhd. terkini dan menjelaskan sebab laporan akaun tahunan untuk 2013 masih belum diberikan kepada Suruhanjaya Syarikat Malaysia.
19. PR-1331-L66925  
**Dato' Ir. Haji Nawawi bin Ahmad [ Langkawi ]** minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan rangkaian perniagaan di negara ini seolah-olah dikawal oleh hanya satu sahaja rangkaian perniagaan. Apakah kementerian mempunyai perancangan untuk menggunakan Syarikat Berkaitan Kerajaan (GLC) yang besar dan utuh untuk mewujudkan rangkaian perniagaan barangan keperluan harian rakyat secara terkawal agar kualiti dan harga barangan harian dapat dijual kepada rakyat dengan harga yang lebih murah.
20. PR-1331-L66694  
**Tuan Shamsul Iskandar bin Mohd Akin [ Bukit Katil ]** minta **PERDANA MENTERI** menyatakan apakah Kerajaan bersedia untuk menjadikan negara Malaysia sebagai sebuah negara yang bebas daripada nuklear sekaligus membatalkan cadangan di bawah Program Transformasi Ekonomi untuk membina loji nuklear dan menggubal undang-undang yang tegas untuk tujuan itu.
21. PR-1331-L65685  
**Datuk Johari bin Abdul Ghani [ Titiwangsa ]** minta **MENTERI WILAYAH PERSEKUTUAN** menyatakan:-
- (a) siapakah kontraktor yang telah dilantik bagi pembinaan projek Pasar Raja Bot Kampung Baru; dan
- (b) berapakah jangka masa yang diambil di dalam pembinaan projek Pasar Raja Bot Kampung Baru tersebut dan adakah projek tersebut berupaya disiapkan di dalam jangka masa yang telah ditetapkan.
22. PR-1331-L66785  
**Tuan Nik Mohamad Abduh bin Nik Abdul Aziz [ Pasir Mas ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan tindakan lanjut yang diambil terhadap cadangan mendirikan perumahan khas untuk belia di beberapa kawasan bandar di pinggir ibu kota.

23. PR-1331-L67203  
**Tan Sri Datuk Seri Panglima Annuar bin Musa [ Ketereh ]** minta **MENTERI SUMBER ASLI DAN ALAM SEKITAR** menyatakan sejauh manakah Kementerian menguatkuasakan syarat-syarat wajib bagi Penilaian Kesan Awal Kepada Alam Sekitar (EIA) terutama yang melibatkan aktiviti pembalakan, perlombongan dan perladangan terhadap kawasan tadahan di Hulu Kelantan.
24. PR-1331-L67296  
**Dato' Seri Abdul Hadi bin Awang [ Marang ]** minta **PERDANA MENTERI** menyatakan apakah usaha Kerajaan untuk menyelesaikan pertindihan kuasa antara Mahkamah Sivil dan Mahkamah Syariah agar undang-undang berkait agama Islam yang telah digubal tidak dibatalkan dengan sewenang-wenangnya.
25. PR-1331-L65695  
**Datuk Seri Noh bin Haji Omar [ Tanjong Karang ]** minta **MENTERI SUMBER MANUSIA** menyatakan berapa peratusan kes melibatkan pekerja yang dirujuk kepada Mahkamah Perusahaan dan berapa peratusan kes yang tidak dirujuk. Berapa lama tempoh masa yang diambil untuk dirujuk kepada Mahkamah Perusahaan.
26. PR-1331-L67418  
**Dato' Sri Azalina binti Dato' Othman Said [ Pengerang ]** minta **MENTERI PEMBANGUNAN WANITA, KELUARGA DAN MASYARAKAT** menyatakan:-
- (a) statistik kes keganasan rumah tangga dilaporkan berlaku di seluruh negara dalam tempoh tiga tahun terkini iaitu dari 2012 sehingga 2014; dan
  - (b) sejauh manakah Kementerian akan mengkaji cadangan untuk meminda Akta Keganasan Rumah Tangga 1994.
27. PR-1331-L66076  
**Datuk Noor Ehsanuddin bin Mohd Harun Narrashid [ Kota Tinggi ]** minta **PERDANA MENTERI** menyatakan mengenai jumlah peraliran Rohingya yang mendapat perlindungan UNHCR menetap di Malaysia dan berapa lamakah mereka dibenarkan menetap di sini.
28. PR-1331-L66504  
**Tuan Haji Ahmad Lai bin Bujang [ Sibuti ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan:-
- (a) adakah terdapat kajian mengenai keperluan skim sewaan rumah bagi golongan warga emas atau pesara di kawasan bandar besar yang enggan untuk tinggal bersama anak-anak atau pun warga emas memilih untuk tinggal bersendirian; dan
  - (b) adakah Kementerian bercadang untuk menyediakan model rumah sewaan yang memenuhi keperluan minimum warga tua.

29. PR-1331-L66127  
**Tuan Wong Chen [ Kelana Jaya ]** minta **PERDANA MENTERI** menyatakan jumlah pelajar yang diberikan biasiswa untuk melanjutkan pelajaran ke luar negara dan berapakah jumlah yang diperuntukkan untuk pelajar-pelajar tersebut daripada semua badan Kerajaan.
30. PR-1331-L66275  
**Tuan Su Keong Siong [ Ipoh Timor ]** minta **MENTERI PERTAHANAN** menyatakan jumlah perbelanjaan yang telah dibelanjakan untuk Program Latihan Khidmat Negara (PLKN) sejak penubuhannya. Adakah Kerajaan bercadang dan berhasrat untuk memansuhkan program ini.
31. PR-1331-L65387  
**Tuan Khoo Soo Seang [ Tebrau ]** minta **MENTERI PERUSAHAAN PERLADANGAN DAN KOMODITI** menyatakan apakah tindakan yang akan diambil oleh Kementerian untuk melindungi kepentingan Malaysia di Indonesia terhadap undang-undang baru yang mungkin menyekat pemilikan asing di ladang-ladang kepada tidak lebih daripada 30%.
32. PR-1331-L65544  
**Dato' Sri Haji Abdul Azeez bin Abdul Rahim [ Baling ]** minta **MENTERI DALAM NEGERI** menyatakan apakah mekanisme yang dilakukan oleh Kerajaan dalam menangani isu dadah di kalangan anak-anak muda terutamanya kawasan luar bandar.
33. PR-1331-L67057  
**Datuk Haji Datu Nasrun bin Datu Mansur [ Silam ]** minta **MENTERI PEMBANGUNAN WANITA, KELUARGA DAN MASYARAKAT** menyatakan apakah program-program yang telah dilaksanakan/ dirancang oleh JKM kearah pendayaupayaan ekonomi klien/ kumpulan sasar.
34. PR-1331-L66017  
**Dato' Shamsul Anuar bin Haji Nasarah [ Lenggong ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan:-
- (a) jumlah pemilik premis perniagaan mengikut kaum di kawasan majlis daerah dan majlis perbandaran seluruh negara; dan
  - (b) langkah Kementerian untuk memperbanyakkan permis perniagaan milik Bumiputera.
35. PR-1331-L65444  
**Tuan Hee Loy Sian [ Petaling Jaya Selatan ]** minta **PERDANA MENTERI** menyatakan:-
- (a) jumlah kematian akibat daripada musibah banjir di Pantai Timur hujung tahun lalu dan kos kerugian yang dialami; dan
  - (b) langkah-langkah Prosedur Operasi Piawaian (SOP) bagi menghadapi banjir besar seperti hujung tahun 2014.

36. PR-1331-L65588  
**Dato' Abdul Manan bin Ismail [ Paya Besar ]** minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan hasil operasi Anti Pencatutan bagi menangani kegiatan peniaga yang cuba mengaut keuntungan tinggi dan tidak munasabah atas alasan pelaksanaan Sistem Cukai Barangan dan Perkhidmatan (GST).
37. PR-1331-L65841  
**Dato' Ar. Wan Mohammad Khair-il Anuar bin Wan Ahmad [ Kuala Kangsar ]** minta **MENTERI DALAM NEGERI** menyatakan apakah situasi penularan fahaman IS di negara ini. Berapakah bilangan suspek yang tertangkap dan juga adakah banyak lagi yang dikenalpasti tetapi masih belum ditangkap.
38. PR-1331-L65723  
**Dato' Kamarudin bin Jaffar [ Tumpat ]** minta **MENTERI PENGANGKUTAN** menyatakan jumlah penerbangan dan penumpang lapangan-lapangan terbang utama di Malaysia pada tahun 2014.
39. PR-1331-L66799  
**Tuan Chong Chieng Jen [ Bandar Kuching ]** minta **MENTERI PENDIDIKAN** menyatakan apa sebabnya masalah kekurangan guru di sekolah jenis kebangsaan Cina (SJKC) masih berlaku walaupun telah banyak kali dijanjikan oleh Menteri-Menteri agar menyelesaikan masalah tersebut. Apa langkah yang akan dilaksanakan untuk menandatangani masalah itu.
40. PR-1331-L66515  
**Datuk Mohd Idris bin Jusi [ Batu Pahat ]** minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan langkah-langkah Kerajaan menunjukkan kesungguhan usaha menurunkan harga barang-barang terhadap pemegang-pemegang monopoli gula, beras, elektrik, Astro dan tol.
41. PR-1331-L67017  
**Tuan Mohamed Azmin bin Ali [ Gombak ]** minta **PERDANA MENTERI** menyatakan apakah status terkini konsesi-konsesi "*marginal oil field*" kepada syarikat-syarikat minyak berdasarkan konsep *Risk Service Contract* (RSC) mengikut harga pasaran minyak semasa.
42. PR-1331-L66585  
**Tuan Zairil Khir Johari [ Bukit Bendera ]** minta **MENTERI PENDIDIKAN** menyatakan status terkini Pelan Pembangunan Pendidikan Malaysia (Pengajian Tinggi) 2015-2025, siapakah perunding yang dilantik untuk menyediakannya serta kos yang terlibat.
43. PR-1331-L65907  
**Datuk Madius Tangau [ Tuaran ]** minta **MENTERI KEMAJUAN LUAR BANDAR DAN WILAYAH** menyatakan berapakah bilangan pelajar Bumiputera bukan Islam yang belajar di MRSM di seluruh negara setakat Disember 2014 dan nyatakan kemudahan-kemudahan yang disediakan untuk aktiviti kerohanian dan keagamaan mereka.

44. PR-1331-L65495  
**Dato' Takiyuddin bin Hassan [ Kota Bharu ]** minta **PERDANA MENTERI** menyatakan adakah Kerajaan bercadang untuk membina kuarters pelbagai kategori kepada semua pegawai dan anggota Suruhanjaya Pencegahan Rasuah Malaysia (SPRM).
45. PR-1331-L66306  
**Tuan Wong Sze Phin @ Jimmy [ Kota Kinabalu ]** minta **PERDANA MENTERI** menyatakan adakah kanak-kanak yang berumur di bawah 18 tahun boleh menukarkan agama mereka tanpa persetujuan ibu bapa di bawah undang-undang. Nyatakan bilangan kes penukaran agama yang berlaku di Sabah dari tahun 2004 hingga 2014.
46. PR-1331-L65729  
**Tuan Ahmad Baihaki bin Atiqullah [ Kubang Kerian ]** minta **PERDANA MENTERI** menyatakan berapakah peruntukan sebenar yang diberikan kepada negeri Kelantan untuk bantuan dan pemulihan kesan banjir yang berlaku pada Disember 2014 yang lepas, dan bagaimanakah ia disalurkan.
47. PR-1331-L67375  
**Datuk Mas Ermieyati binti Samsudin [ Masjid Tanah ]** minta **MENTERI BELIA DAN SUKAN** menyatakan apakah tindakan yang telah diambil bagi menggalakkan budaya bersukan di kalangan rakyat terutamanya ke arah menjadikan Malaysia sebuah negara sukan (*sporting nation*) menjelang tahun 2020.
48. PR-1331-L66908  
**Tuan Abdullah Sani bin Abdul Hamid [ Kuala Langat ]** minta **MENTERI SUMBER MANUSIA** menyatakan apakah keberkesanan *Productivity-Linked Wage System* (PLWS) terhadap syarikat dan negara.
49. PR-1331-L65749  
**Tuan M. Kulasegaran [ Ipoh Barat ]** minta **PERDANA MENTERI** menyatakan:-
- (a) mengapa tiada penyelesaian yang efektif dilaksanakan oleh Kerajaan terhadap masalah banjir di Cameron Highlands baru-baru ini sedangkan banyak cadangan yang berdasarkan faktor-faktor alam sekitar telah dibentangkan untuk membetulkan dan menangani masalah banjir ini; dan
  - (b) nyatakan komitmen Kerajaan untuk menanam 1 juta pokok di Cameron Highlands.
50. PR-1331-L66919  
**Dr. Mohd Hatta bin Md. Ramli [ Kuala Krai ]** minta **PERDANA MENTERI** menyatakan apakah langkah-langkah baru yang dibuat oleh Kerajaan bagi menghadapi apa-apa bencana besar seperti yang berlaku dalam peristiwa banjir di Kelantan pada akhir tahun 2014 khususnya di kawasan Kuala Krai.



51. PR-1331-L66314  
**Tuan Nga Kor Ming [ Taiping ]** minta **PERDANA MENTERI** menyatakan bahawa kesalahan 377B Kanun Keseksaan memerlukan dua pihak untuk melakukan kesalahan tetapi dalam kes Dato Seri Anwar Ibrahim v. PP, mengapa hanya seorang sahaja didakwa sebaliknya Saiful Bukhari dibebaskan tanpa tindakan.
52. PR-1331-L66988  
**Tuan Gooi Hsiao-Leung [ Alor Setar ]** minta **MENTERI PERTANIAN DAN INDUSTRI ASAS TANI** menyatakan bagaimana wang berjumlah berbilion-bilion ringgit yang dibelanjakan oleh Kerajaan atas subsidi-subsidi dan insentif telah secara langsung membantu meningkatkan kebajikan pesawah padi.
53. PR-1331-L66831  
**Datuk Koh Nai Kwong [ Alor Gajah ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan apakah keberkesanan teknologi insinerator pelupusan sampah yang diperkenalkan dari Jepun. Apakah teknologi ini diyakini tidak akan menjejaskan alam sekitar.
54. PR-1331-L67111  
**Datuk Seri Panglima Haji Abdul Ghapur bin Haji Salleh [ Kalabakan ]** minta **MENTERI KERJA RAYA** menyatakan:-
- (a) apakah Kementerian pernah meninjau dan menilai kualiti jalan raya/lebuhraya di Sabah; dan
  - (b) jika pernah, apakah Kementerian berpuas hati dengan kualiti jalan raya/lebuhraya di Sabah sesuai dengan piawaian Kementerian.
55. PR-1331-L67436  
**Dato' Seri Tiong King Sing [ Bintulu ]** minta **MENTERI KEWANGAN** menyatakan:-
- (a) apakah rasional Bank Negara Malaysia masih mengekalkan rekod nama peminjam yang telah dimufkaskan walaupun mereka telah melunaskan atau membayar balik hutang mereka; dan
  - (b) adakah Bank Negara Malaysia membuat kajian yang menyeluruh mengenai implikasi terhadap penghutang ini apabila mereka ini berhasrat untuk meneruskan perniagaan mereka tetapi menghadapi masalah untuk membuat pinjaman dengan firma kewangan memandangkan nama mereka pernah disenarai hitamkan.
56. PR-1331-L65818  
**Tuan Haji Ahmad Nazlan bin Idris [ Jerantut ]** minta **MENTERI KEMAJUAN LUAR BANDAR DAN WILAYAH** menyatakan bilakah Jalan Kampung Tuit ke Kampung Pagi di Kuala Tahan, Jerantut akan disiapkan sepenuhnya dan berapakah kos pembinaan keseluruhan projek serta berapa peratus pembayaran yang telah dijelaskan kepada pihak kontraktor sehingga kini.

57. PR-1331-L66394  
**Puan Nurul Izzah binti Anwar [ Lembah Pantai ]** minta **MENTERI KEWANGAN** menyatakan:-
- (a) senarai ubat-ubatan bagi penyakit kanser, sakit jantung, sakit buah pinggang dan penyakit kronik yang lain yang tidak tersenarai dalam senarai ubatan berkadar sifar di bawah GST; dan
  - (b) justifikasi ubat-ubatan ini dikenakan cukai GST.
58. PR-1331-L66126  
**Tuan Wong Chen [ Kelana Jaya ]** minta **MENTERI PERTAHANAN** menyatakan jumlah pampasan yang akan dibayar kepada pengendali kem-kem Program Latihan Khidmat Negara (PLKN) Malaysia dengan penggantungan program tersebut. Berikan justifikasi untuk pampasan yang dibayar.
59. PR-1331-L67134  
**Tuan Jeff Ooi Chuan Aun [ Jelutong ]** minta **MENTERI SUMBER ASLI DAN ALAM SEKITAR** menyatakan bilakah peruntukan sebanyak RM150 juta bagi Rancangan Tebatan Banjir Sungai Pinang Tahap Kedua yang dijanjikan dalam Rancangan Malaysia Ke-9 (RMK9) dan kemudiannya ditunda ke RMK10 itu akan diturunkan sedangkan masalah pemindahan setingan setempat telah selesai.
60. PR-1331-L66415  
**Dato' Johari bin Abdul [ Sungai Petani ]** minta **MENTERI KEWANGAN** menyatakan apakah impak terhadap pendapatan Petronas dan hasil Kerajaan Persekutuan jika mana harga minyak mentah antarabangsa turun USD1 per barrel.
61. PR-1331-L66863  
**Tuan Teo Kok Seong [ Rasah ]** minta **MENTERI PENDIDIKAN** menyatakan secara terperinci jumlah biasiswa atau *scholarship* yang telah diberikan oleh Institusi Pengajian Tinggi Awam kepada pelajar asing sejak tahun 2008-2015 berdasarkan tahun dan warganegara pelajar asing terbabit.
62. PR-1331-L66779  
**Datuk Juslie bin Ajirol [ Libaran ]** minta **MENTERI DALAM NEGERI** menyatakan jumlah terkini yang ditahan atas sebab menyertai perjuangan dan memberi sumbangan kepada Miliran Negara Islam (IS) serta adakah Kerajaan mempunyai program khusus dalam memberi bimbingan kepada individu yang terbabit dengan IS kembali ke pangkal jalan.
63. PR-1331-L65766  
**Datuk Bung Moktar bin Radin [ Kinabatangan ]** minta **PERDANA MENTERI** menyatakan tentang apakah perancangan pihak Kementerian dalam memperbaiki infrastruktur yang telah rosak akibat kejadian banjir teruk yang telah menimpa Pantai Timur Semenanjung, Sabah dan Sarawak dan berapakah peruntukan yang telah disediakan oleh pihak Kerajaan dalam usaha ini.

64. PR-1331-L66470  
**Ir. Shaharuddin bin Ismail [ Kangar ]** minta **MENTERI KESIHATAN** menyatakan berapakah jumlah kerugian yang ditanggung oleh Kementerian akibat kerosakan peralatan di hospital dan klinik kesihatan akibat banjir buruk pada hujung tahun lepas dan nyatakan tempoh masa yang diperlukan untuk proses pemulihan sepenuhnya agar hospital dan klinik Kerajaan tidak mengalami gangguan perkhidmatan.
65. PR-1331-L67287  
**Tuan Haji Khalid bin Abdul Samad [ Shah Alam ]** minta **MENTERI DALAM NEGERI** menyatakan apakah tindakan-tindakan yang telah dan bakal diambil oleh pihak Kerajaan ke atas Laporan Suruhanjaya Siasatan Pendatang Asing di Sabah.
66. PR-1331-L65787  
**Tuan Idris bin Haji Ahmad [ Bukit Gantang ]** minta **MENTERI DALAM NEGERI** menyatakan apakah tujuan hukuman penjara untuk memberi keinsafan kepada banduan, berapakah bilangan banduan yang dipenjarakan semula sejak tahun 2000 hingga 2014.
67. PR-1331-L65650  
**Puan Hajah Zuraida binti Kamaruddin [ Ampang ]** minta **MENTERI PEMBANGUNAN WANITA, KELUARGA DAN MASYARAKAT** menyatakan mengapa perlu ada pengasingan di bawah portfolio yang berbeza dalam mendidik anak-anak istimewa sebagai contoh kewujudan Permata Kurnia yang objektifnya dikira sama di bawah portfolio Kebajikan dan Masyarakat.
68. PR-1331-L65923  
**Puan Alice Lau Kiong Yieng [ Lanang ]** minta **MENTERI KESIHATAN** menyatakan langkah-langkah yang diambil oleh Kementerian dalam mengatasi masalah infrastruktur dan kekurangan doktor pakar di Hospital Sibu memandangkan banyak pesakit perlu dihantar ke Kuching atau Kuala Lumpur untuk rawatan selanjutnya.
69. PR-1331-L67079  
**Tuan Manivanan a/l Gowindasamy [ Kapar ]** minta **MENTERI KEWANGAN** menyatakan secara terperinci mengenai semua butiran berkaitan mekanisme pengiraan dan penetapan harga petrol RON95, RON97 dan harga diesel. Jenis cukai dan kadar atau nilai cukai yang dikenakan terhadap Petrol RON95 dan RON 97 secara berasingan. Rasional harga diesel tidak diturunkan apabila harga RON95 dan RON97 diturunkan pada awal bulan Januari 2015.
70. PR-1331-L66684  
**Dato' Ngeh Koo Ham [ Beruas ]** minta **PERDANA MENTERI** menyatakan sama ada perkahwinan di antara seorang Muslim dan seorang bukan Muslim di luar negara mengikut perkahwinan sivil diiktiraf di Malaysia. Apakah undang-undang yang terpakai apabila pasangan ini bermastautin di Malaysia dan berlakunya perceraian.

71. PR-1331-L67476

**Tuan V. Sivakumar [ Batu Gajah ]** minta **MENTERI KOMUNIKASI DAN MULTIMEDIA** menyatakan:-

- (a) jumlah kutipan yang dibuat oleh syarikat-syarikat telekomunikasi bagi penyambungan semula talian telefon mudah alih yang dipotong, adakah ini wajar ; dan
- (b) caj yang dikenakan oleh syarikat-syarikat telekomunikasi bagi panggilan yang tidak berjaya tetapi memasuki peti pesanan suara walaupun khidmat itu tidak digunakan.

**PADA PERMULAAN URUSAN MESYUARAT**  
**MENGEMUKAKAN RANG UNDANG-UNDANG KERAJAAN**  
**UNTUK BACAAN KALI YANG PERTAMA**

1. **Menteri di Jabatan Perdana Menteri**

- \* Rang Undang-undang Keterangan (Pindaan) 2015

---

\* Menandakan bahawa Rang Undang-undang ini akan dibawa pada semua peringkat di mesyuarat ini.

### **ATURAN URUSAN MESYUARAT DAN USUL-USUL**

1. **Pertimbangan ke atas Rang Undang-undang Perbekalan Tambahan (2014) 2015 (D.R. 3/2015) dan Usul Anggaran Perbelanjaan Pembangunan Tambahan Pertama 2014 seperti berikut :-**

“Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan bahawa jumlah wang tambahan sebanyak satu bilion sembilan ratus dua puluh satu juta sembilan ratus sembilan puluh lima ribu lapan ratus lapan puluh ringgit (RM 1,921,995,880) diperuntukkan daripada Kumpulan Wang Pembangunan bagi tahun kewangan 2014 bagi Maksud dan Butiran (Projek) seperti yang dinyatakan dalam ruang pertama dan kedua penyata Anggaran Perbelanjaan Pembangunan Tambahan Pertama 2014 yang dibentangkan sebagai Kertas Perintah 2 Tahun 2015 dan yang disenaraikan di sebelah Maksud dan Butiran (Projek) dalam ruang sembilan dan sepuluh penyata tersebut.”

#### **Dalam Jawatankuasa Sebuah-buah majlis (31 Mac 2015)**

- |    |                |  |                               |
|----|----------------|--|-------------------------------|
| 2. | (D.R. 24/2014) | Rang Undang-undang Dadah Berbahaya (Pindaan) (No.2) 2014         | <b>Bacaan Kali Yang Kedua</b> |
|    |                | <b>[ Menteri Kesihatan ]</b>                                     |                               |
| 3. | (D.R. 29/2014) | Rang Undang-undang Pendidikan (Pindaan) 2014                     | “                             |
|    |                | <b>[ Menteri Pendidikan ]</b>                                    |                               |
| 4. | (D.R. 26/2014) | Rang Undang-undang Perhubungan Perusahaan (Pindaan) 2014         | “                             |
|    |                | <b>[ Menteri Sumber Manusia ]</b>                                |                               |
| 5. | (D.R. 30/2014) | Rang Undang-undang Teknologis dan Juruteknik 2014                | “                             |
|    |                | <b>[ Menteri Sains, Teknologi dan Inovasi ]</b>                  |                               |
| 6. | (D.R. 2/2015)  | Rang Undang-undang Lembaga Pembiayaan Perumahan Sektor Awam 2015 | “                             |
|    |                | <b>[ Menteri Kewangan ]</b>                                      |                               |
| 7. | (D.R. 10/2015) | Rang Undang-undang Pencegahan Keganasan 2015                     | “                             |
|    |                | <b>[ Menteri Dalam Negeri ]</b>                                  |                               |

8. (D.R. 6/2015) Rang Undang-undang Langkah-Langkah Khas Menentang Keganasan di Luar Negara 2015 “
- [ Menteri Dalam Negeri ]
9. (D.R. 5/2015) Rang Undang-undang Penjara (Pindaan) (No.2) 2015 “
- [ Menteri Dalam Negeri ]
10. (D.R. 4/2015) Rang Undang-undang Kanun Keseksaan (Pindaan) 2015 “
- [ Menteri Dalam Negeri ]
11. (D.R. 8/2015) Rang Undang-undang Pencegahan Jenayah (Pindaan) 2015 “
- [ Menteri Dalam Negeri ]
12. (D.R. 9/2015) Rang Undang-undang Kanun Tatacara Jenayah (Pindaan) 2015 “
- [ Menteri Dalam Negeri ]
13. (D.R. 7/2015) Rang Undang-undang Kesalahan Keselamatan (Langkah-Langkah Khas) (Pindaan) 2015 “
- [ Menteri Dalam Negeri ]
14. (D.R. 1/2015) Rang Undang-undang Ahli Kimia (Pindaan) 2015 “
- [ Menteri Sains, Teknologi dan Inovasi ]
15. (D.R. 23/2014) Rang Undang-undang Ahli Parlimen (Saraan) (Pindaan) 2014 “
- [ Perdana Menteri ]

16. **Menteri Kewangan** akan mencadangkan:-

“Bahawa Dewan ini, mengikut peruntukan perenggan 4(b) Akta Pendanaan Kerajaan 1983 [Akta 275], mengambil ketetapan supaya Kerajaan memindahkan sebanyak RM39.592 bilion wang terimaan Terbitan Pelaburan Kerajaan (TPK) yang diterima di bawah seksyen 3(1) Akta yang sama ke Kumpulan Wang Pembangunan yang dinyatakan dalam Jadual Kedua Akta Tatacara Kewangan 1957 [Akta 61] bagi maksud Kumpulan Wang tersebut.”

17. **Menteri Dalam Negeri** akan mencadangkan :-

"Bahawa Majlis ini membuat resolusi menurut subseksyen (4), Seksyen 1, Akta Dadah Berbahaya (Langkah-Langkah Pencegahan Khas) 1985 supaya akta ini hendaklah terus berkuatkuasa bagi tempoh 5 tahun lagi mulai dari 15 Jun 2015"

18. PR-1331-U65762

**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa, agama Islam adalah agama rasmi negara ini, namun kebebasan beragama di negara ini terjamin seperti yang termaktub dalam Perlembagaan Persekutuan. Dan mengambil maklum juga, isu agama adalah merupakan isu sensitif terutama sekali dalam negara yang berbilang kaum dan agama. Dan mengambil maklum juga bahawa, penukaran agama bagi mereka yang di bawah umur memerlukan persetujuan daripada ibu bapa mereka terlebih dahulu sebelum mereka menukar agama. Dalam kes penukaran agama anak perempuan (berumur 16 tahun) Encik Jilius Yapoo yang berlaku di Sekolah Menengah Kinarut dengan tanpa persetujuan ibu bapa kanak-kanak ini telah mengundang spekulasi dan andaian yang tidak sihat terutama sekali kepada perpaduan kaum dan agama di negara ini. Insiden ini sedikit sebanyak telah menghakis dan melunturkan kepercayaan rakyat (terutama sekali yang bukan beragama Islam) terhadap institusi sekolah sebagai pusat ilmu dan juga kepada sistem perundangan negara, di mana kebebasan beragama adalah terjamin seperti yang termaktub dalam Perlembagaan Persekutuan.

Maka, bagi menangani masalah ini, Dewan yang mulia ini hendaklah mengambil ketetapan bahawa, mana-mana pihak yang cuba untuk menukar agama mereka yang di bawah umur atau mana-mana individu yang di bawah umur hendak menukar agama mereka, pihak tersebut hendaklah mendapatkan persetujuan bertulis lebih awal daripada ibu bapa individu tersebut. "

**[ Perdana Menteri ]**

19. PR-1331-U65853

**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum, terdapat rungutan-rungutan di kalangan rakyat negeri Sabah dalam beberapa isu yang mereka fikirkan bahawa hak mereka, seperti yang dijanjikan dan terkandung dalam Perjanjian Malaysia 1963 telah dicabuli atau diendahkan. Dan mengambil maklum juga, antara isu utama yang disuarakan dalam rungutan ini adalah kebanjiran pendatang asing ke negeri Sabah dan ditambah buruk pula dengan pemberian status warga negara kepada mereka ini. Dan mengambil maklum juga bahawa, setiap kali isu 20 perkara dalam Perjanjian Malaysia ini disuarakan, terdapat usaha-usaha pihak tertentu untuk mensenyapkan isu ini dan akhirnya rungutan-rungutan ini menjadi satu gerakan ketidakpuasan hati rakyat. Dan mengambil maklum juga bahawa, gerakan ketidakpuasan hati rakyat ini telah sampai ke satu tahap di mana mereka secara terbuka menggelarkan diri mereka sebagai aktivis Sabah Sarawak keluar Malaysia



atau ringkasnya SSKM. Dalam hal ini, Kerajaan hendaklah memandang serius akan kesan dan implikasi perpaduan rakyat serta ketenteraman negara pada keseluruhannya. Kita maklum bahawa, mengambil tindakan undang-undang semata-mata untuk menghalang mereka bagi menyuarakan rungutan mereka ini tidak akan menyelesaikan isu yang ditimbulkan, malah akan merumitkan lagi keadaan di mana mereka akan semakin mendapat simpati daripada kalangan rakyat yang lainnya sementara Kerajaan pula dianggap sebagai tidak prihatin dan kuku besi. Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu gerak kerja untuk menangani isu ini secara holistik termasuklah menjemput dan mendengar rungutan mereka ini."

**[ Menteri Dalam Negeri ]**

20. PR-1331-U65760

**Tuan M. Kulasegaran [ Ipoh Barat ]** akan mencadangkan:-

"Bahawa Dewan Rakyat ini mengambil maklum bahawa banjir telah melanda di beberapa negeri baru-baru ini, di mana harta benda rakyat telah dimusnahkan dan banyak nyawa telah terkorban. Dalam keadaan ini, Dewan ini mengarah Perdana Menteri supaya mengambil strategi jangka masa panjang untuk mengatasi masalah ini dengan segera."

**[ Perdana Menteri ]**

21. PR-1331-U66345

**Dr. Tan Seng Giaw [ Kepong ]** akan mencadangkan:-

"Bahawa Dewan ini membahaskan banjir besar di negara."

**[ Perdana Menteri ]**

22. PR-1331-U66346

**Dr. Tan Seng Giaw [ Kepong ]** akan mencadangkan:-

"Bahawa Dewan ini mendebatkan gerakan militan di Malaysia."

**[ Menteri Dalam Negeri ]**

23. PR-1331-U67135

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis Diraja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan."

**[ Menteri Dalam Negeri ]**

24. PR-1331-U67141

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

**[ Menteri Pendidikan ]**

**RISALAT-RISALAT YANG DIBAWA KE DALAM MESYUARAT  
(DEWAN RAKYAT)**

<b><u>TAHUN 2015</u></b>	<b><u>RISALAT/DOKUMEN</u></b>	<b><u>TARIKH DIBENTANGKAN</u></b>
ST. 10	Laporan Tahunan Dan Penyata Kewangan Suruhanjaya Tenaga Bagi Tahun 2013	31 Mac 2015
ST. 16	Laporan Tahunan dan Penyata Kewangan Universiti Teknologi MARA (UiTM) Bagi Tahun 2013	31 Mac 2015
ST. 22	Laporan Tahunan dan Penyata Kewangan Universiti Teknikal Malaysia Melaka (UTeM) Bagi Tahun 2013	31 Mac 2015
ST. 24	Laporan Tahunan dan Penyata Kewangan Universiti Sultan Zainal Abidin (UnisZA) Bagi Tahun 2013	31 Mac 2015